



**Prezidenti di Kâmara Michelle Wu
Inderesu di Stadu di Sidadi • 9 di Janeru, 2024**

Sima Priparadu pa Intrega

Boa noite, Boston!

N kre agradesi nos anfitrions na MGM Music Hall- Red Sox i grupu Fenway Music Group- komu tanbe nos interpretis ki sta djudanu atinji nos rezidentis na oitu linguaas oji.

Governadora Healey e oficiais di guvernu; Prezidenti di konseliaria Louijeune i Konselierus di sidadi, Lider Robinson i Komite di Skolas di Boston; Representantis di Stadu, Senadores, i oficiais di kondadu: Obrigadu pa nhos parseria.

Pa tudu nos rezidentis, na tudu vizinhansas: Obrigadu pa oportunidadi i onra- di sirbi nhos.

N ka ta staba li sen nha familia: Conor, Blaise e Cass...n ta ama nhos.

E nos sidadi ka ta staba li sen nos funzionarius di sidadi: e un prazer sirbi ku nhos tudu dia.

3 semana atras, n sa ta andaba na Avenida Talbot num mar di festeju: karus i autocarrus, i un kamiao xei di jovens atletas-ta mostra ses anel e ta labanta ses trofeus; vizinhus ta festeja di ses janelas e varandas na altu; fans ta salta di kaderas di barbearias pa ben djunta ku nos na rua...

...Tudu kela pa festeja primerus kampions nasional di Pop Warner di Boston: ekipa di cheer Boston Lady Raiders... i ekipa di futbol di jovens Dorchester Elite Eagles.

I dipos di parada e kes festejus na Boys & Girls Club, i ultimas fatias di pizza, n nota ma Terry Cousins-fusionariu di sidadi duranti dia, “Coach Beefy” tudu fin di semana-sintadu el so, i nen se oklona di sol ka ta sucundiba lagrimas ki sa ta modjal kara...

Keli levanu 19 anu pa kontisi, kel fla. Es bai Florida 18 bes antis. 4 bes es txiga te finais. Es perdi na prulongamentu i na prulongamentu redobradu. Ma nunca es para di bai, es rekuza da pa vensidu.

E dipos ...es fika na storia.

E ku nos ta marxa pa ruas di Dorchester kel dia, n odja na odjus di tudu treinadoris orguliozus, e membrus di ekipa, e apoiantis desdi primeru dia- kel spritu ki ta ardi na tudu kantu di Boston...

Kel persiveransa, kel koraji, i kel sentidu di kumunidadi ki ta lebanu a txiga alen do inpusivel- pa kes ki nu ta ama i pa kel lugar ki nos tudu ta txoma kaza.

I kel spritu ki es mundo sta mesti mas gosi li, kuandu tantu ta parce inpusivel: paz e siguransa, prosperidadi i stabilitadi; orguliu na nos dimokrasia, i speransa pa un manhan kun bokadinhu mas di lus.

Mundu sta mesti kel prova ki Boston ta da: ki nu podi kria un kumunidadi ondi ki tudu familias ta atxa aligria i sentimentu di ser parti di kel kumunidadi- ki nu podi kria un futuru mas brillanti si nu rekuza di da pur vensidu.

Nton, tudu dia na Boston, nu ta bai trabadju, iliminandu kes obustaklu ki ta sta na nos kaminhu. I tudu dia, nos progresu ta konvida mundu na ben ku nos pa forja novus kaminhus.

Timenti sidadis na tudu rakantu sta lida ku krizi di opioides i falta di alojamentu, Boston rekusa di da pur vensidu na keston di saudi e stabilitadi, pesoa pur pesoa. Nos ekipas konstrui relasons na Mass i Cass, i investi na mas kamas i servisus pa sidadi interu. Ku kordenason inovador, nu tevi rezultadus ki nunca foi vistu antis: oji kes kanpamentus ka sta mas, e sentenas di pesoas sta alojadu i na kaminhu di riabilitason! Obrigadu a Newmarket BID, Boston Medical Center, Eliot, Victory Programs, Boston Healthcare for the Homeless, Departamentu di Saudi Mental, Pine Street Inn i tudu nos parserus...pa kel progresu realizadu i kel progresu ki sta ben.

Na pais interu, sidadis ta spia pa Boston como kel luz ki ta guias na asuntus di seguransa di komunidadi. Anu pasadu, nu leba violensia ku pistola a nivel mas baxu ki dja foi rejistadu...i un ta rekuza a da pur vensidu

na kaba ku violensia na tudu partis di nos sidadi. Nu sta investi na apoius pa trauma, rekuperason, i un planu di seguransa guiadu pa komunidadi ku provedoris de servisus, lideris religiozus, i rezidentis... i nu negosia un kontratu en prol di pulisia sen konparason: abrindu oportunidades di tarefas di seguransa pa pulisia trabadja i ser pagu individualmenti, investi na edukason di oficiais di pulisia ,i kabandu ku arbitrason komu manera di bira disciplina pa kes ofensas mas serius. Realizandu es kontratu, nos

pulisia vota en grandi maioria pa es manti ses kabesa na nivel mas altu pusivel di responsabilidadi i kriadu un presedenti nasional pa pulisiamentu di komunidadi.

Anu pasadu, Dipartamentu di Pulisia di Boston tra mas di 800 pistolas di nos ruas, nos bonberus paga mas di 300 lumis na predius, i servisus di Imerjensia di Boston respondi a mas di ki 130, 000 xamadas di imerjensia. Nu gradua klasis mas diversus de rekrutas di policia e kadetis ki jamas nu tevi; nu lansa primeru klasi di skadetis di prugrama di servisus di imerjensia di Boston nes ultimos 2 dekadas, i nu da boas-vindas a nos primeru klasi di kadetis di bonberus na storia di Boston. N ta pidi tudu nos kadetis-prosima jerason di servisus di imerjensi, di dipartamentu di pulisia di Boston e di bonberus di Boston, pa por favor labanta. Obrigadu a tudus nos menbrus di primeru servisus pa nhos servisu a populason di Boston.

Na mundu interu, Boston e lider na industrias ki ta ben leba nos futuru pa dianti: siensias na kanpu di vida umana i kuidadu di saudi, teknolujia di klima i inovason-kumesandu na diskuberta resenti di Vertex sobri ramedis ki ka e a bazi di opioides, un soluson modernu di ArkeaBio, a reduzi emisons di metanu. Anu pasadu, nu lansa un parseria di 10 milion di dola pa konecta rezidentis di Boston a karreras di siensia na kanpu di vida umanu pa diversifica e fortalesi industria. I un grupu di xefis di enprezas dja djunta ku sidadi pa enfoca na nos trabadjadoris, Kuma ki nu ta manti e atrai talentu, e aprufunda kolaborason entri negosius i governu. Obrigadu a komunidadi di negosius di Boston pa guia kaminhu a nivel nasional, i pa kes parserias ki ta fazi un diferenza li me, na nos kaza.

Otu bes, dja nu mostra ma futuru e nos ki ta formal. I dia pur dia, nu sa ta sigui kel promesa pa fazi di Boston un sidadi verdi ki sa ta kria pa tudu alguen.

Ano pasadu, n prumeti di kaba ku uzu di konbustivel fosil na novus predius di Sidadi, i nu fazel: 2 sentrus komunitarius e dos bibliotekas ki sta ser konstruidu ta ben ser livre di konbustivel fosil. Es anu, nu sta ben introduzi zonas di net carbon zero, tendu serteza ki Boston ta ben ser sidadi mas verdi des nason. Tambe n ten orguliu di anunsia ki, ku National Grid, nu ta ben lansa primeru sistema di redi jeotermal - trazendu energia limpa pa kenta i fria, a 129 familias vivendu na komunidadi di Franklin Field.

Anu pasadu, n prometi ma Boston ta faze mas pa kria i uza contratus di cidade pa aumenta rikeza na nus komunidadis. E nu fazel: nu mas di ki dobra kuantia dadu a negosius di alguen di kor i konpanhias baziadus na Boston. Nos e un di kes sidadis na nason kun programa di Merkadus Prutejidus pa kontinua ta trabadja na disparidadis. I nu sta bai ainda mas lonji kun investimentu di 9 milion di dola pa konstrui kapasidadi di negosius lokal pa konpiti pa maioris kontratus di trabadju.

Anu pasadu, n prometi kontinua ta luta pa Boston ten un sentu na Kumison di MBTA {transporti publiku) i na Agostu, Lejislason di Stadu i Governadora kunpri. Obrigadu a nos parserus di stadu, e a nova reprezentanti di kumison, Mary Skelton Roberts. I pa djuda ku trafiku; es anu nu sta fazi parseria ku investigadoris pa uza Intelijencia Artifisial i aprendizajen di makina pa deteta kuandu i ondi ki konjestionamentu ta sta pior, e optimiza sinal di trafiku pa deskonjestiona arias xavis.

Anu pasadu, n prometi troka txeu kuzas na planiamentu i dizenvolvimentu. I tanbe, nu logral: nu restrutura Agensia di planiamentu i dizenvolvimentu di Boston pa eleva planiamentu i design, i nu lansa primeru esforsu di sidadi pa rezoniamentu nas ultimas dekadas. Es anu, nu ta tranzisiona pesoal di BPDA pa sidadi pa restaura planiamentu formalmenti komu un funson isensial di governu di Sidadi.

Planea pa un futuru mas asesivel, ku mas ekuidadi i reziliensia e un di maneras mas efetivu pa lida ku kes obstaklus ki tudu sidadis sa ta ten- sentrus di sidadi vaziu, transportis inprevizivel i presus di kazas ki sa ta perta familias pa sai fora. Nton, nu lansa un prugrama de konverson di skritorius a rezidensia ki dja atrai prupostas pa bira 8 predius komersial di sentru di sidadi pa ser rezidensial. I nu poi 24 negosius lokal na spasus ki staba vaziu, kriandu 300 postus di trabadju novu. Kes donus di kes negosius sta li oji! Nu sa ta investi mas ki nunka na artis : arti publiku, arti di atuason i inventus ki ta trazi komunidadis djuntu prezensionalmenti. Na kes mezis vindorus, ten mas kuzas ki nu ten ki fazi-djuntu pa nu fika pa frenti di kurva.

I nos kuipas di sidadi ta kontinua ta trabadja tudu dia pa sirbi nos komunidadis. Anu pasadu:

Pa kondutoris, nu konpu mas di 7000 braco na strada...pa merguliadoris, nu abri pisinas renovadu na East Boston i Dorchester, ku mas 7 pa abri es anu.

Pa siklistas, nu adisiona trotineti eletroniku a Bluebikes i, ku Blue Cross Blue Shield, nu lansa pase mas baratu di Merka pa renda bisikleta...Pa kes ki ta brinka- nu abri 8 novu jardin i parki infantil...

Pa maes, nu oferesi vizitas ku infermeras prezensionalmenti...i pa parserus domestikus, nu foi primeru sidade di Massachusetts ki fazi nos edital di kazamento jeneru inkluzivu!

Pa leitoris, nu estendi orariu di 21 bibliotecas...i pa kes ki ta konduzi mutu rapidu, nu konstrui mas ki 300 kebra-mola novu na nos ruas.

I, pa nonu anu kontínuo, nos saude finanseru danu un titulu di klasifikason 3 A, ki danu midjor kotason pusivel pa konpleta projetus di Sidade- desdi sentru komunitariu Curley

a biblioteca Fanueil. Es anu, nu ta komesa konstruson di un novu stason di servisus di imerjensia na zona di Seaport, i nu ta inaugura novu kazerna di bonberu Engine 17/Escada 7 na Meetinhouse Hill-sigundo kazerna di bonberus novu ki Boston konstrui nus ultimus 4 dekadas.

I gracas a jenti di Boston ki oji n podi fla: Estadu di nos sidade sta forti...

E ka pamodi kes dezafius ki fica e simplis o pikinoti...

Ma pamodi es e grandi, i es ta importa, i nu sta prontu pas es!

I kela ta kumeca ku alojamentu, pamodi e na casa ki tudu ta kumesa.

Anu pasadu, nu aprova maior numero di lisensa di konstruson di kzsas a presu asesivel na mas di 10 anu, e nu aprova kazi 7,400 unidades di alojamentu pa futuru.

Na Junhu, n staba ku Giselle Jimenez kuandu el sina papel mas importanti di se vida: komu mae soltera ki foi kriada pur un mae soltera, el flan komu ki senpri foi se sonhu ten se propria kaza. Se dos fidju matxu fika pertu del kuandu el sina dukumentus ki tral di alojamentu publiku a un kaza linda na Hyde Park, ki ten jardin pes podi kori.

Giselle e txeu di kes 250 familias di Boston ki bira proprietariu pa primera bes, sta li oji noti.

Na Outubru, n staba na un lugar ki era un kavi ki ka era trabadjadu na Roxbury, ta adimira tudu detali ben pensadu di un novu Accessory Dwelling Unit ki Mark Kennedy konstrui ku tudu karinhu pa se mai di 89 anu. El prezencial dimas ta lida ku skadas di se predio, i nton el trabadja ku sidadi pa konstruil un casa novu na rez di xao di se propria kaza. Dona Peggy, n sta tao kontenti ki dja nha teni un kaza novu tao bunita i pertu fidju di nha, ki kre nha txeu!

Pa djuda mas familias di multi jerason sima kel di Mark, es anu nu ta ben ilimina barreras a konstruson di mas ADU na sidadi interu i ten serteza ki pesoas ki ta trabdja na konstruson lokal ta podi ten asesu a kes oportunidadis nes nova industria.

Desdi Chinatown te West Roxbury, alojamentu publiku ta fazi ki txeu di nos idozus ta podi fika na sidadi ki es djuda konstrui- i tantu di nos jovens pa kria li-inkluindu 2 di kes konselierus di sidadi mas joven. N sta kontenti di anunsia ki es anu, nu sta ben identifika novus lokal pa fazi kuazi 3000 novus unidadis di alojamentu publiku pa konstrui nes prosima dekada- ki governu federal ta ben da mas di 100 milion di dola pur anu pa manutenson.

Na nos sidadi, dimaziadu familias sa ta tradu di ses kaza ora ki ses prediu for vendidu a investidoris privadus. Nton nu ta ben lansa un fundo pa faze kes predius fika

permanentimenti asessivel, redobrandu nos susesu na mante 114 familias na ses kazas na East Boston. Es anu, nu ta ben alarga es fundu pa proteji 400 mas familias na nos sidadi.

Mas, komu mai- i komu mai di studentis di skola publiku di Boston-n sabi ma pa nu ser midjor sidadi pa kada familia, nu ten ki da midjor di mundu pa nos jovens: na sala di aula, na komunidadi, pa tudu kantu di nos sidadi.

Boston e lugar ondi ki edukason publiku nasi-fundadu na krensa ki kunhesimentu e pa tudu alguien. Ma inda nu ka susedi na kel visao. Es anu ta marca 5 dekadas desdi ki un tribunal federal manda desegrega nos skolas; realidadi e ki duranti jerasons previu, familias Negrus dja staba ta luta ku skolas publikus di Boston pa sirvi kada studenti na se integrar. Na txeu di nos redondesa kel falta di investimento kes sa ta protesta ainda ta persisti ate oji, aprofundandu pa transison e interrupsons des ultima decade.

Ma, oji noti, n podi fla ma baxo lideransa di Superintendenti Mary Skipper, skolas publicas di Boston sta na medjor posicao pa tchiga entrega kel visao di familias e ativistas ki ka da

por vencido: pa fazi skolas publicos di Boston ser primera escolha pa cada familia na Boston...ku espacu de primera pa permiti aprendisagem e recebe midjor educason na planeta.

Dipos di decadas di investimento atrasadu, nu sta construi e nu sta renova pa refleti aspirason di nos studentis: laboratorios di ciencia de primera, espacos pa artis de atuasson, y quartos di locker dignos di cidades di campoes. Oji, dez projetus grandis usando capital di skolas publicos di Boston sa ta ser construidos- mas ki foi construido nes ultimo 40 anu.

E, obrigada a un doacao di 20 milhon di dola di Agencia di Protesson di Meio Ambiente, nu sta ben adiciona 50 autocarru eletrico, o ki ta mas ki dobra nos frota. Obrigado a Administrador Regional di Agencia di Protesson di Meio Ambiente David Cash, assim como equipa di Transportacao di skolas publicos di Boston ki sta djudanu consigui ten viajas mas saudaveis pa nos studentis e nos chofers.

Alen di predios e autocarros, educasson di maior qualidadi ta comeca e na nascimento. Tudu anu, cidades di tudu lado di pais ta visita Boston pa studa kuma ki nu ta apoia nos studentis mas piquinotes. Nu ta contrata educadores di alto calibre, nu ta oferece ajuda continua e desenvolvimentu professional; e nu ta usa instrucao baseadu na evidencia ku raiz na compromisso ku nos familias. Es anu, nu expandi Pre-Jardim Universal a 390 mas familias, e nu da apoio financeiro pa certificasson di 430 novus educadores di

mininus piquenotis. E, es primavera, nu ta ben lanca un lugar ondi ki nos familias podi encontra e matricula mininus na creche.

Na distritu interu, nu sta enfocadu academicamenti num alfabetizacao equitavel, ku raiz na ciencia di leitura, e apoio pa criancas na tudu niveis pa aprofunda ses compromisso na cada materia. Dja nu po especialistas di leitura e treinadores di alfabetizacao, e educadores treinados en novus materiais e textos ki ta refleti culturas e linguas di nos studentis....E resultados e incrivel: nu sta ba contra tendencias nacionais, li na Boston, ausencia cronico sa ta baxa e nos studentis ki sa ta beneficia di nos novo curriculo sa ta tchiga na kes metas ki ta trazes suscessu.

Na pais interu, Boston e conchedu pa da un educasson di ano interu e oportunidades pa nos jovens. Anu passadu, nu tinha un meta di conecta 7000 jovens a trabadjus di verao pago. En vez di kel nu atingi quase 10, 000. Es anu, nu ta expandi trabadjus pa studentis di skolas publicos di Boston tipo “aprendi e ganha” ki ta paga nos studentis pa toma aulas di universidade duranti verao, e nu ta garanti un trabadju di verao pa cada studenti di Boston ki quiser um!

Na nos liceus, nu sta sussei na nos missao pa traze aprendizagem di nivel universitario e conectado a carrera cedo pa tudu studenti:

Es anu, Bunker Hill Community College sa ta expandi aulas universitarias na liceu di Charlestown...Roxbury Community College sta ben lanca primeru programa incubador desenhadu especificamenti pa studentis multilingues na English High, na Margarita Muniz, e BINCA...e Mass General Brigham ta ben ten parciaria ku Academia pa Carreras de Saude Edward M. Kennedy sobri apredizagem transformacional conectadu a carrerras...

Oji noti, tambe n sta feliz di anuncia ki Umass Boston sina un acordo ku skolas publicas di Boston pa fazi ki liceu BCLA-McCormack seja primero skola di comunidadi assistido pa un Universidade. Djuntus, nu ta da nos studentis di liceu assessu diretu a aulas di Umass Boston e ses recursus, fazi parciaria ku educadores di tudu 2 instituission, e cria un caminhoa Umass Boston pa nos studentis graduados...timenti nu ta renova un skola de primera dentu di comunidadi di Columbia Point. Obrigadu a lider di BCLA-McCormack, Ondrea Johnston, Chancellor Marcelo Suarez-Orozco e ses dos equipa!

Nos trabadje pa sirbi jovens e familias ta extendi alen di paredes di nos skolas. Anu passadu, ku nos parceirus, nu djuda 500 studentis toca un instrumento sen ter ki paga...nu da mas di 1000 licon di natacao...e nu ensina mas di 500 jovens monta bicicleta.

E, na verao passadu, Boston marca un grandi golo: establece novo equipa di liga Nacional di Mulheres pa anu 2026! Ku nos parceros di Boston Unity Soccer Group, nu sta contenti di renova historico White Stadium na Franklin Park pa ben ser primeru estadio na pais ki ta ten un equipa professional e un programa atletico di un skola publico. Comunidadi di nos skola ta ben ten un campo di relva di classe mundial, un esteira di oito pista, quartos di locker novos, e espacos de acondicionamentu pa nos studentis xinti ma es sta na ses casa. Tambe nu ta ben cria un fundo pa atleticos di skolas publicos di Boston pa cubri gastos di uniformes, equipamento extra, y transporti confiavel.

Ma Franklin Park e mas di ki un lar pa nova gerasson di campeao di Boston :

Pa nha familia e tcheu otus, ka ten un lugar mas magico n acidade, ku se pontis di pedra historicos; caminhos ku arvores, e espacos comunitarios amados. Ma maior parque di nos cidade dja sofre de decadas de desinvestimento. Es anu, nu ta ben atua na recommendason di Alianca di Franklin Park e membros di comunidadi pa começa

Restaura Franklin Park pel tchiga na se mas grandi potencial. Nu ta ben contrata un administrador di parque e 6 empregadu pa manutencao, ki ta ser maior numero di empregados na 25 anu. E nu ta ben começa prosessu comunitariu pa reimagina e investi nun casa pa Elma Lewis Playhouse.

Tudu joven ten direito di cria nun cidade ku espaco grandi ki ta convida alguen a corri-ki ta lembranu pa respira fundo e spia pa riba pa ceu. Tcheu di tipo di espaco ki ta trazi curiosidade, maravilha e felicidadи ka ten paredi. Ma ten uns ki ten:

N kre conta nhos un storia, sobri un mai ku se filha.

Kel mai ainda sta novu nes pais- ainda el sta ajusta a supermercados grandon ku tcheu luz...kel lingua kel ta obi ta sai di boca di kes strangers djuntu kuel, cheio di boltas ki sen lingua ka ta dobra pa fazi. El ka ten tcheu dinhero, e ka sempri ki el, se marido y ses mininu ki sta kria ta ten tudu o necessario.

Ma, nes dia li, nada di keli ta importa, pamo e Terca fera- e na Terca fera kel museu di arte grandi na centro di cidade ta dex alguen entra gratis. Nton el sta la, ku se filha, num carrinho cor di rosa, ta spia un tela di un falesia cheio di flor selvaje. E, nes momentu, es mai sem dinheru e sem palavras nes lingua ta xinti como midjor mai do mundo pamo el da se filha o mundo pa um dia.

El ta conta se filha es storia temente el ta cria: “Querida, bu ka ta lembra qando bu era mininu, bu companha bu mai pa galerias di arti. Sempri nu passa tempo djuntu tudu Terca-fera.” (“弭弭，你不記得 小時候陪著媽媽一起看畫，每個禮拜二跟媽媽在一起。”) E

Sima Priparadu pa Intrega

filha ta sorri pa se mai ki sta spial ku amor e orgulho, ki ta intchi tudu espaco e ta dal kel sentimento di casa.

Oji noti se filha sta anuncia un novu programa pa mininus di tudu Boston, pes xinti en casa na lugares ki ta mostras mundo. Comecando na Fevrero, duranti primero e Segundo Domingo di tudu mes, studentis di skolas publicas di Boston e ses familia ta podi entra gratis na Museu de Belas Artis, na Instituto de Arti Contemporanea, na Museu di Ciencia, na Museu di Crianca, na Aquario di Nova Inglaterra, e na jardim zoologico di Franklin Park!

Obrigado a cada um di kes tesouros cultural pa tudu bu significadu na nos cidade, e pa bo trabaju ku nospa extendi bu legado di investimento na jovens e familias di Boston-na maravilha e felicidade coletiva di nos comunidadi.

Casa e X, casa e Y, pamo casa e kel lugar ki nunca bu ta abandona.

Pamo alegria ta intchi un parada na Talbot Ave num dia claro na Dezembro-e kel gasolina ki ka ta caba. Pa cada mai ki ta luta pa da mundo pa se fidjus. Epa tudu mininu di Boston ki ta xinti en casa na nos cidade. Obrigado a tudu nos comunidadis pa fazi Boston ser nos casa.

Deus ta bencoa Cidade-e guentis- di Boston.